

# Powšitkowne WOZJEWJENJA

njedźelu, 10. decembra 2017

## Přiležnosć k swjatej spowědži w Róžeńce

<b>sobotu, 16. decembra</b>	farar M. Anders, farar Š. Delan, 17.00 – 18.00 hodž.
<b>póndźelu, 18. decembra</b>	farar M. Anders, farar D. Dzikiewicz, 17.00 – 18.00 hodž.
<b>wutoru, 19. decembra</b>	farar M. Anders, farar M. Nawka, 18.30 – 19.30 hodž.
<b>sobotu, 23. decembra</b>	farar M. Anders, farar M. Nawka, 7.30 – 7.55 hodž.

a po kemšach

Na sobotach, 23. decembra, 30. decembra a 6. januara njebudže w 17 hodž.  
w Róžeńce žana přiležnosć k swjatej spowědži.

## Adwentnička młodžiny

Adwentnička serbskich młodostnych je lětsa njedźelu, 10. decembra, w Njebjelčicach. Započatk je w 14 hodž. z nyšporom w cyrkwi, kotryž wuhotuje chór 1. serbskeje kulturneje brigady. Po nyšporje zetkaja so potom w „Bjesadze“ w tak mjenowanej dźiwadłowej kofejowni, w kotrejž zahraje nam Měrko Brankač „Hodownu stawiznu“ po Charlesu Dickensu. Dźiwadlo je za wšitkich zajimcow přistupne. Zastup je za młodostnych darmotny.

## Adwentny koncert serbskich gymnaziastow

Chór 1. serbskeje kulturneje brigady z.t. přeprašuje wutrobnje na swój tradicionelny adwentny koncert sobotu, 16. hodownika, w 17.00 hodž. do Budyskeje Michałskeje cyrkwy. Přeni króc zaklinči adwentna kantata „Přińdź, Knježe!“ Feliksa Brojera. Nimo toho zanjesu znate adwentne spěwy. Wuměłski nawod změje Friedemann Böhme, instrumentalny přewod Gina Hentsch. W zběrce při durjach proša wo dary za dalše dźěło 1. serbskeje kulturneje brigady z.t.

## Hudźbno-meditaciski nyšpor w Chróšćicach

Wšitcy zajimcy su wutrobnje na hudźbno-meditaciski adwentny nyšpor w swětle swěčkow njedźelu, 17. decembra, w 17.15 hodž. do farskeje cyrkwy w Chróšćicach přeprašeni. Na Božej službje je tež Wosadnik trěbny.

## Koparski turněr wo pokal TCM

Towarstwo Cyrila a Metoda z.t. (TCM) zarjadowuje sobotu, 6. januara, w 15.30 hodž. w Chróšćanskej „Jednoće“ halowy koparski turněr wo pokal TCM. Přeprašene su wosadne a wjesne mustwa młodžiny kaž tež mustwa sportowych jednotkow. Kóžde mustwo měło z wosom hrajerjemi nastupić. Hrač budže so z třomi koparjemi a wrotarjom. Přizjewić měli so mustwa hač do soboty, 30. decembra, pola Guida Zahrodnika w Jaseńcy, telefonowe čisło (03 59 33) 3 11 53 abo mobilnje pod (01 51) 52 22 17 59 .

## **Mandźelske seminary w lěće 2018**

Přizjewjenja za seminary k přihotej na mandźelstwo přijimuju so pisomnje hač do 19. januara 2018 w dekanatnym dušepastyrstwje we Worklecach, Młynski puć 4. Formulary k tomu wuleža w cyrkwjach. Nańdžeće je tež pod [www.posol.de](http://www.posol.de)

## **Dny za singlow**

Singlow přeprašuje Smochčanski Dom biskopa Bena wot pjatka do njedźele, 15. do 17. decembra, na adwentne dny. W srjedžišću steji dzeń w klóštrje Marijinej hwězdze. Tam chcedža na bytosne procesy žiwjenja zhladować, za kotrež trjebaš sčerpliwosć. Zajimcy měli so pak telefonisce pod čislom (03 59 35) 2 23 17 abo z mailku na adresu [referent@Benno-Haus.de](mailto:referent@Benno-Haus.de) přizjewić

## **Dźiwadło pyta sobuhrajerjow**

Štó chcył rady raz ze serbskimi dźiwadźelnikami na wulkim jewišću Němsko-serbskeho ludoweho dźiwadła (NSLDŽ) stać? Za serbsku inscenaciju na hłownym jewišću „Paradiz w dobrej stwě“, kotraž změje klětu 17. februara premjeru, pyta dźiwadło dobrowólnych – wot 16lětnych młodostnych hač k hibićiwym wuměnkarnjam, kotřiž bychu skupinu turistow předstajeli. Z probami započnu pónđzelu, 8. januara, w 19 hodź. Přizjewić móža so zajimcy hač do hód z mailku na [m.scholze@theater-bautzen.de](mailto:m.scholze@theater-bautzen.de) abo pod telefonowym čislom (0179) 4 57 71 21.

## **Kurs k přewodźenju mrějacych**

Nowy přihotowanski kurs k přewodźenju ćežko chorych a mrějacych přewjedže Hornjołužiski zwjazk Carity klětu wot 7. februara hač do 14. měrca stajnje srjedu wot 17 do 21 hodź. a na sobotomaj wot 9 do 15 hodź. Nadrobniše informacije dóstanu zajimcy w Kamjenskim Domje Carity, Haydnowa 8, telefonowe čisło (0 35 78) 37 43 12.